



Na osnovu člana 69. Zakona o javnim nabavkama BIH (Službeni glasnik BIH broj: 39/14 i 59/22, te na osnovu člana član 45. Statuta i Statuta o izmjenama i dopunama Statuta „Operator-Terminali Federacije“ d.o.o. Sarajevo (broj 01-1-491-1/16 od 07.4.2016. godine, broj 01-1-906-6/16 od 22.6.2016. godine, broj: 01-1-423-5/17 od 29.06.2017.godine, broj: 01-1-413-2/18 od 27.09.2018. godine, broj 01-1-88-8/19 od 12.02.2019.godine i broj: 01-1-37-4/20 od 12.02.2020.godine 01-1-538-6/20 od 18.12.2020. godine; 01-1-34-6/22 od 07.02.2022. godine i broj: 01-1-307-6 od 15.07.2022. godine)“Operator-Terminali Federacije” d.o.o. Sarajevo, Uprava Društva donosi:

ODLUKU

O poništavanju postupka javne nabavke usluga revizije finansijskih izvještaja i konsolidovanih finansijskih izvještaja za 2023. 2024. i 2025.godinu

Član 1.

Poništava se postupak javne nabavke usluga „Usluga revizije finansijskih izvještaja i konsolidovanih finansijskih izvještaja za 2023. 2024. i 2025.godinu“, u skladu sa članom 69. Zakona o javnim nabavkama ("Službeni glasnik Bosne i Hercegovine" broj 39/14, 59/22). Ured za razmatranje žalbi, Rješenjem br. JN2-03-07-1-391-7/24 od 16.02.2024.godine, utvrdio je bitne povrede Zakona o javnim nabavkama iz člana 103. stav 1) točka b), na temelju čega je po službenoj dužnosti, poništio predmetni postupak i donesene akte.

Član 2.

Ova Odluka objavit će se na web stranici Ugovornog organa (www.terminali.ba) u skladu sa članom 70. stav 6.) Zakona o javnim nabavkama BIH, i dostavlja se svim ponuđačima koji su učestvovali u postupku javne nabavke u skladu sa članom 71. stav 2. Zakona o javnim nabavkama

Član 3.

Ova Odluka stupa na snagu danom donošenja.

Obrazloženje:

Ugovorni organ dana 28.12.2023. godine objavio je Obavještenje o nabavci br. 1138-7-2-200-3-65/23 na Portalu javnih nabavki www.ejn.gov.ba za nabavku usluga: „**Usluga revizije finansijskih izvještaja i konsolidovanih finansijskih izvještaja za 2023., 2024. i 2025. godinu**“.

Procijenjena vrijednost nabavke je 36.000,00 KM bez PDV-a.

U određenom krajnjem roku pristigle su dvije ponude na adresu Vlakovo 172, Blažuj, kako je navedeno u tački IV 8. Obavještenja za nabavku, te je Ugovorni organ održao otvaranje ponuda. Na javnom otvaranju ponuda prisustvovali su predstavnici ponuđača Address d.o.o. Sarajevo, te prema Zapisniku o otvaranju ponuda br. 04-7-534- 9/23, prisutni ponuđači nisu imali primjedbi na postupak otvaranja. Naknadno, dana 18.01.2024.godine, nakon odlaska do bivšeg sjedišta UO, Komisija je utvrdila da je u poštanskom sandučetu pristigla još jedna blagovremena ponuda koja je zbog greške u tenderskoj dokumentaciji i obavještenju o nabavi pristigla na drugu adresu.

Imajući u vidu činjenicu da Zakon o javnim nabavkama niti podzakonski akti nisu dali uputstvo za postupanje kod ovakvih situacija, Ugovorni organ odlučio je obavijestiti ponuđače putem e-maila i telefonski da će se održati naknadno otvaranje blagovremeno pristigle ponude ponuđača UHY REVIDENT d.o.o. Mostar, na dan 24.01.2024. godine u 13.00 sati, te da su pozvani svi zainteresirani ponuđači kako bi se obezbijedila transparentnost samog otvaranja.

Kao predstavnik ponuđača otvaranju je prisustvovao predstavnik Addres d.o.o. Sarajevo, g. Muamer Džendušić, koji prema Dopuni zapisnika o otvaranju ponuda br. 04-7-534-12/23 od 24.01.2024.godine, nije imao primjedbi na otvaranje.

Na Dopunu zapisnika o otvaranju ponuda br. 04-7-534-12/23 od 25.01.2024. godine u konkurentskom postupku javne nabavke usluga „Usluge revizije finansijskih izvještaja i konsolidovanih finansijskih izvještaja za 2023, 2024 i 2025. godinu“, od strane žalitelja UHY REVIDENT d.o.o. Mostar, uložena je žalba dana 29.01.2024. godine, a na protokol Ugovornog organa zaprimljena dana 31.01.2024. godine pod brojem 04-7-534- /23.

Prije nego što se upustila u meritorno odlučivanje po pristigloj žalbi, Komisija za javnu nabavku je pristupila provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje se odnose na uslovljene pretpostavke u skladu sa odredbama člana 100. Zakona o javnim nabavkama BiH, odnosno na dopuštenost, blagovremenost i izjavljenost od strane ovlaštene osobe.

Ispitujući pravne pretpostavke za postupanje po predmetnoj žalbi, Komisija za javnu nabavku je utvrdila da su udovoljene procesne pretpostavke za ulaganje žalbe, odnosno da je pristigla žalba blagovremena, dopuštena, izjavljena od ovlaštene osobe i lica koje ima aktivnu legitimaciju ali da je žalba **neosnovana**, te je u skladu sa članom 100. stav (5) Zakona o javnim nabavkama BiH („Službeni glasnik BIH“ br. 39/14 i 59/22), Uredu za razmatranje žalbi istu prosljeđuje Uredu za razmatranje žalbi sa Izjašnjenjem i pratećom dokumentacijom.

Ured za razmatranje žalbi utvrdio je bitne povrede Zakona o javnim nabavkama iz člana 103. stav 1) točka b), na temelju čega je po službenoj dužnosti, poništio predmetni postupak i donesene akte.

Iz gore navedenog razloga poništava se predmetni postupak javne nabavke suglasno članu 69.

POUKA O PRAVNOM LIJEKU : Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke.



Hermedin Zornić

predsjednik Uprave

Slaven Zeljko

član Uprave